



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

pare, quem diuinorum iudiciorum terror inuaserit. Sed iam tandem grauissimis hisce curis defuncti, ad minores vanitatum species Ecclesiasten sequamur.

SECTIO QUINTA.

ECCLESIASTES.

VERS. 7. Si videris calumnias egenorum, & violenta iudicia, & subuerti iustitiam in prouinciâ, non mireris super hoc negotio: quia excelsus excelsior est alius, & super hos quoque eminentiores sunt alij, & insuper vniuersæ terræ rex imperat seruianti.

METRICA PARAPHRASIS.

QUID stupes, vulgum quoties superbis
Turba Magnatum pedibus iacentem
Proterit? Cur sic miser ingemiscis
(Ceu fatiscenti Deus orbe habenas
Abdicans alto iaceat sopore
Mersus) insani quoties Gradui
Proterit miles Themidis bilancem?
Aut vbi Astrea rutilante velo
Lumen obnubit, manibusque numos
Plutus infercit; meritisque dispar
Iustus iniustâ vice criminosi
Crimen exsoluit? Cohibe querelas:
Neu, precor, mentem subeat labantis
Machine sorti moderanda tradi
Fræna. Prorepet Nemesis flagelli

Lancos

Laneos passus gravitate pensans;
Quodque patratum est tabulâ minori,
Ostrakon maius scelus expiabit.
Est tribunali gravius tribunal:
Fascibus fasces dominantur; urnam
Urna condemnat, tabulæ tabellas.
Quis furor noxis petulantis urnæ, &
Pauperum luctu temerare leges?
O quibus dextras acuunt secures
Imperi, vel quos superum Monarcha
Arbitros legit necis atque vitæ,
Stringite adductis furias habenis:
Quidquid à vobis minor expauescit,
Maior hoc vobis Dominus minatur.
Omne sub regno grauiore regnum est.
Sed fac humanum fileat tribunal;
Restat immensi moderator orbis,
Cuius excelsum diadema adorat
Quæ renascentem videt ora Phæbum,
Quæque reclinem gremio Amphitrites,
Quæque feruescit Libycis arenis,
Quæque sub plaustro glaciatur Urse.
Hic per insignes gradiens, & imos,
Et minas Regum super, ac popellum
Stirpe turmalis genitum, potentem
Dexteram extendens, dominosque fasces,
Si tribunalis vitio gementum
Aure libarit facili querelas;
Væ quibus nigri ac niuei potestas
Calculi, aut sceptri metuenda iura.
Magna Magnates quatiet procella:
Et potens fulmen feriet potentes

N n

Cum

Cum faces aether trifidas coruscat,
 Nubium exaequans laribus comarum
 Verticem intonsum cineratur ilex,
 At latent vallis gremio myrica
 Quassa Massyli fremitu leonis
 Silva dum nutat, sitiens cruoris
 Tygridum rictus iugulo minatur;
 Vnguium ludunt caprea sub ictu.
 Sic Deus nutu quatiens Olympum,
 Et pari pulsans inopum tabernas
 Dexterâ, ac torui solum tyranni,
 Pauperes noxae eximios fovebit,
 Ut solent pullos volucres sub alis.
 Maior in magnos ruet ira celi, Et
 Fortius fortes cruciabit orcus.

PROSA EXEGESIS.

VNICUS hîc restat & obstat scrupulus, quò minus
 homo se totum Deo submittat, & æternis eius pro-
 uidentiae rationibus acquiescat, quem alibi etiam exi-
 mere conati sumus, manifesta scilicet pauperum op-
 pressio, iurisque ac iustitiae per vim & calumniam Deo
 dissimulante subuersio. Quis enim non animo percel-
 latur, penitusque concidat, qui conscio ac teste Deo
 hæc per orbem axiomata inualescere, crebroque ser-
 mone usurpari cõsideret, In summâ felicitate id æquius
 esse quod est validius. Fortitudinẽ cuiusque, legem esse
 iustitię; quod enim infirmũ est, inutile censeret. Item illa:

Politicorũ
 iniqua
 axiomata.

Tacit. li. 15.
 Sap. 2, 11.

Sen. Herc.
 furente.
 Ibidem.

Quod cimbis tenere te inuitis scias,
 Strictus tuetur ensis. — Itemque illud:
 — Prosperum ac felix scelus
 Virtus vocatur. —

Qui